

ხელშეკრულების დამდები მხარეები

ერთის მხრივ სსიპ „ველური ბუნების ეროვნული სააგენტო“ (შემდგომში „შესყიდველი“) წარმოდგენილი მისი უფროსის რევაზ ბეჟაშვილის სახით.

იურიდიული მისამართი: ქ. თბილისი, თამარაშვილის ქ. №15ა მე-3 სართული.

და მეორეს მხრივ (შემდგომში „მიმწოდებელი“)

წარმოდგენილი მისი სახით

იურიდიული მისამართი (ორგანიზაციის დასახელება და იურიდიული მისამართი)

1. ხელშეკრულების ღირებულება

1.1. შესყიდველმა გამოაცხადა 2020 წლის სახელმწიფო ბიუჯეტიდან გამოყოფილი ასიგნებების ფარგლებში ელექტრონული ტენდერი აუქციონის გარეშე (განცხადება NAT), სსიპ „ველური ბუნების ეროვნული სააგენტოს“ საჭიროებისათვის კალმასხაშენის საინჟინერო-შენობის მშენებლობის სამუშაოების სახელმწიფო შესყიდვაზე (კლასიფიკატორის (CPV) კოდი 44200000 - სტრუქტურული მასალები და კლასიფიკატორის დანაყოფი CPV-44211000 - ასანოები შენობები) და ტენდერის შედეგად მიმწოდებელმა აიღო ვალდებულება შეასრულოს () ლარის (შემდგომში ხელშეკრულების ღირებულება) სამუშაო.

2. ხელშეკრულების შესრულების კონტროლი

2.1. ხელშეკრულების მიმდინარეობის ნებისმიერ ეტაპზე შესყიდველი ახორციელებს კონტროლს მიმწოდებლის მიერ ნაკისრი ვალდებულებების შესრულებაზე.

2.2. ხელშეკრულების მიმდინარეობის კონტროლის მიზანს წარმოადგენს:

2.2.1. სამუშაოს შესრულების ვადების ხელშეკრულების მოთხოვნებთან, მათ შორის ხელშეკრულების დანართი #2-ის მოთხოვნებთან შესაბამისობის დადგენა;

2.2.2. შესრულებული სამუშაოს ხელშეკრულების მოთხოვნებთან, მათ შორის ხელშეკრულების დანართი №1-ით (ფასების ცხრილი (ხარჯთაღრიცხვა) - (სატენდერო დოკუმენტაციის დანართი №1) და ხელშეკრულების დანართი №2-ით (ტექნიკური დავალება, სამუშაოს შესრულების პირობები და ვადები) - (სატენდერო დოკუმენტაციის დანართი №2) გათვალისწინებულ მოთხოვნებთან შესაბამისობის დადგენა, შესაბამისი შუალედური და საბოლოო ინსპექტირების დასკვნის შედგენა, მიღება-ჩაბარების აქტის გაფორმება, ანგარიშსწორების პროცესის რეგულირება.

2.2.3. საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

2.3. ხელშეკრულების შესრულების კონტროლს ახორციელებენ სსიპ „ველური ბუნების ეროვნული სააგენტოს“-ს უფროსის ბრძანებით განსაზღვრული პირები.

3. შესყიდვის ობიექტის მახასიათებლები

3.1. შესასრულებელი სამუშაოების ჩამონათვალი განისაზღვრება ხელშეკრულების დანართი №1-ით - (სატენდერო დოკუმენტაციის დანართი №1), შესყიდვის ობიექტის ტექნიკური დავალება განისაზღვრება ხელშეკრულების დანართი №2-ით - (სატენდერო დოკუმენტაციის დანართი №2), შესრულებული სამუშაოების საგარანტიო ვადები და პირობები ხელშეკრულების დანართი №3-ით (სატენდერო დოკუმენტაციის დანართი №3). აღნიშნული დანართები წარმოადგენს წინამდებარე ხელშეკრულების განუყოფელ ნაწილს.

4. სამუშაოს შესრულების პირობები და ვადები

4.1. სამუშაოს შესრულება უნდა დასრულდეს ხელშეკრულების ხელმოწერის დღიდან არაუგვიანეს 90 (ოთხმოცდაათი) კალენდარული დღის განმავლობაში.

4.2. სამუშაოების შესრულება უნდა განხორციელდეს ხელშეკრულების დანართი #2-ით გათვალისწინებულ ვადაში (სატენდერო დოკუმენტაციის დანართი 2) შესაბამისად. რომელიც წარმოადგენს ხელშეკრულების განუყოფელ ნაწილს.

4.3. სამუშაოს მიწოდების პირობები მოცემულია ხელშეკრულების დანართში #2 (სატენდერო დოკუმენტაციის დანართი №2).

5. სამუშაოს მიღება-ჩაბარების წესი

5.1. სამუშაოს მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად შესრულებული სამუშაოს მოცულობის შესაბამისად.

5.2. მიმწოდებელი ვალდებულია სამუშაოს დასრულებიდან არაუგვიანეს მომდევნო სამუშაო დღისა უზრუნველყოს შემსყიდველის ინფორმირება სამუშაოს დასრულების შესახებ.

5.3. მიმწოდებელმა სამუშაოთა დასრულებიდან არაუგვიანეს 5 (ხუთი) სამუშაო დღის განმავლობაში მიღება-ჩაბარების აქტის გაფორმების მიზნით შემსყიდველს უნდა წარუდგინოს შესრულებული სამუშაოების აქტი (ფორმა #2) და ფარული სამუშაოების შესრულების აქტები (ასეთის არსებობის შემთხვევაში).

5.4. ხელშეკრულების 5.3. პუნქტში მითითებული შესრულებული სამუშაოების აქტის (ფორმა #2) წარმოდგენიდან 5 (ხუთი) სამუშაო დღეში ხელშეკრულების 2.3. პუნქტით განსაზღვრული პირ(ებ)ი შესრულებული სამუშაოს ხელშეკრულების მოთხოვნებთან, მ.შ. ხელშეკრულების დანართი №1-ით (ფასების ცხრილი (ხარჯთაღრიცხვა) - (სატენდერო დოკუმენტაციის დანართი №1), ხელშეკრულების დანართი №2-ით (ტექნიკური დავალება, მიწოდების ვადები, მიწოდების ადგილი) გათვალისწინებულ მოთხოვნებთან შესაბამისობის დადგენის მიზნით ახორციელებს შესრულებული სამუშაოს შემოწმებას, განიხილავს მიმწოდებლის მიერ წარმოდგენილ შესრულებული სამუშაოების აქტს (ფორმა #2) და ადგენს საბოლოო ინსპექტირების დასკვნას.

5.5. იმ შემთხვევაში თუ, შესრულებული სამუშაო შეესაბამება ხელშეკრულების მოთხოვნებს, ხელშეკრულების 2.3. პუნქტით განსაზღვრული პირ(ებ)ი ადგენს მიღება- ჩაბარების აქტს და ახორციელებს შესრულებული სამუშაოს მიღებას, ხოლო თუ გამოვლინდება, რომ შესრულებული სამუშაო (ხარისხი და/ან მოცულობა) არ აკმაყოფილებს ხელშეკრულების მოთხოვნებს, შემსყიდველს უფლება აქვს არ მიიღოს სამუშაო.

5.6. შემსყიდველი ვალდებულია ოპერატიულად წერილობითი სახით, აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობისა (ასეთის არსებობის შემთხვევაში) და წუნდების მიზეზის მითითებით.

5.7. სამუშაოს საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით შემსყიდველის წერილობითი შეტყობინებიდან 7 (შვიდი) სამუშაო დღის ვადაში უზრუნველყოფს მიმწოდებელი.

6. ანგარიშსწორება

6.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, მიმწოდებლის მიერ ფაქტობრივად შესრულებული სამუშაოს ღირებულების შესაბამისად.

6.2. ანგარიშსწორება განხორციელდება მიმწოდებლის საბანკო რეკვიზიტებზე.

6.3. მიმწოდებელთან საბოლოო ანგარიშსწორება განხორციელდება საბოლოო ინსპექტირების დასკვნის, მიღება-ჩაბარების აქტის და საგადასახადო ანგარიშ-ფაქტურის (იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა სსიპ შემოსავლების სამსახურიდან) საფუძველზე, მიღება- ჩაბარების აქტის გაფორმებიდან არაუგვიანეს 7 (შვიდი) სამუშაო დღის განმავლობაში.

6.4. წინასწარი ანგარიშსწორების მიზნით მიმწოდებელი ვალდებულია ხელშეკრულების გაფორმებიდან

არაუგვიანეს 5 (ხუთი) სამუშაო დღის განმავლობაში შემსყიდველს წარუდგინოს წინასწარი ანგარიშსწორების (საავანსო) საბანკო გარანტია ხელშეკრულების ღირებულების არაუმეტეს 50% -ის ოდენობით, რომლის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

6.5. იმ შემთხვევაში თუ აღმოჩნდება, რომ განეული სამუშაოების საერთო ღირებულება ნაკლებია წინასწარ, ავანსის სახით გადახდილ თანხაზე, შემსყიდველი უფლებამოსილია გარანტიის მოქმედების პერიოდში მიმართოს გარანტიის გამცემ ორგანოს (გარანტს) სხვაობით გათვალისწინებული თანხის დაბრუნებაზე.

7. მხარეთა ვალდებულებები

7.1. „მიმწოდებელი“ ვალდებულია:

7.1.1. შესრულოს სამუშაო ჯეროვნად, ხარისხიანად და კეთილსინდისიერად ხელშეკრულებით გათვალისწინებული მოთხოვნების განუხრელი დაცვით.

7.1.2. უზრუნველყოს გამოვლენილი დეფექტებისა და ნაკლოვანების აღმოფხვრა საკუთარი ხარჯით, შემსყიდველის წერილობითი შეტყობინებიდან არაუმეტეს 7 (შვიდი) სამუშაო დღეში.

7.1.3. დროულად განიხილოს „შემსყიდველის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

7.1.4. გაავრცელოს შესრულებულ სამუშაოებზე და სამუშაოების მსვლელობის პერიოდში გამოყენებულ მასალებზე გარანტია ხელშეკრულების დანართი №3-ით გათვალისწინებული პირობების დაცვით.

7.1.5. გარანტიის მოქმედების პერიოდში შემსყიდველის წერილობითი შეტყობინებიდან 7 (შვიდი) სამუშაო დღეში, საკუთარი სახსრებით განახორციელოს შემსყიდველის წერილში ჩამოთვლილი ხარვეზებისა და ნაკლოვანებების გამოსწორება.

7.2. „შემსყიდველი“ ვალდებულია:

7.2.1. უზრუნველყოს „მიმწოდებლის“ დროული და სრული დაფინანსება.

7.2.2. დროულად განიხილოს „მიმწოდებლის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

7.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლება

8.1. „მიმწოდებელს“ უფლება აქვს, ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს აწარმოოს შესრულებული სამუშაოს ხელშეკრულების მოთხოვნებთან შესაბამისობის კონტროლი

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და მომსახურების მიწოდებისთვის საჭირო საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული

გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადანყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადანყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადანყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე ეს გადანყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

13.1. შემსყიდველი კისრულობს პასუხისმგებლობას წინამდებარე ხელშეკრულებით გათვალისწინებული ანგარიშსწორების ვადების დარღვევის შემთხვევაში გადაუხადოს პირგასამტეხლო მიმწოდებელს შეუსრულებელი ვალდებულების 0.3 %-ის ოდენობით ყოველ ვადაგადაცილებულ დღეზე.

13.2. მიმწოდებელი კისრულობს პასუხისმგებლობას ხელშეკრულების დანართი #2 –ით გათვალისწინებული ვადის დარღვევის შემთხვევაში გადაუხადოს პირგასამტეხლო შემსყიდველს ხელშეკრულების ღირებულების 0,05%-ის ოდენობით ყოველ ვადაგადაცილებულ დღეზე.

13.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

13.4. იმ შემთხვევაში თუ 13.2. პუნქტით გათვალისწინებული პირგასამტეხლოს ჯამური თანხა შეადგენს ხელშეკრულების ღირებულების 1% შემსყიდველი უფლებამოსილია ცალმხრივად შეწყვიტოს ხელშეკრულება.

13.5. ხელშეკრულების 13.4. პუნქტით გათვალისწინებული პირობების დადგომის შემთხვევაში მიმწოდებელი ვალდებულია გადაიხადოს ხელშეკრულების 13.2. პუნქტით გათვალისწინებული პირგასამტეხლო.

13.6. მხარეები თავისუფლდებიან პასუხისმგებლობისაგან:

13.6.1. თუ ხელშეკრულებით ნაკისრი ვალდებულებების შეუსრულებლობა გამომწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამომწვეულია მათგან დამოუკიდებელი სხვა ობიექტური მიზეზებით.

13.6.2. მხარე, რომელიც ხელშეკრულების 13.6.1. პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 10 დღისა წარმოადგინოს ცნობა შესაბამისი კომპენტენტური ორგანოდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.

13.6.3. ხელშეკრულების 13.6.2. პუნქტით გათვალისწინებული პირობების დაცვის შემთხვევაში მხარეები უფლებამოსილი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადად შეწყვიტონ ხელშეკრულება.

14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. ერთი მხარის მიერ 10 (ათი) კალენდარული დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. ერთ-ერთი მხარის ინიციატივით, მეორე მხარის წერილობითი გაფრთხილებიდან 10 (ათი) სამუშაო დღის განმავლობაში;

14.1.4. ხელშეკრულების 13.4 პუნქტით გათვალისწინებული შემთხვევის დადგომისას.

14.1.5. საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის ხელმოწერისთანავე და მოქმედებს ----- ჩათვლით.

15.2. წინამდებარე ხელშეკრულების 7.1.4 და 7.1.5 პუნქტების მიმართებაში ხელშეკრულების მოქმედების ვადა განისაზღვროს საბოლოო მიღება ჩაბარების აქტის გაფორმებიდან 2 (ორი) წლის განმავლობაში.

” მხარეთა რეკვიზიტები

„შემსყიდველი“

სსიპ „ველური ბუნების ეროვნული სააგენტო“

გარდაბნის მუნიციპალიტეტი

სახელმწიფო ხაზინა

სახაზინო კოდი TRESGE22

ა/ა # GE24NB0330100200165022

ს/კ № 226575024

„მიმწოდებელი“